

### **SI FÂS PAR MÛT DI DÎ**

✘ Al è un vieri libri di **Riedo Pup**, in cheste edizion, plui facile di cjatâ, dal 1980, ma che al jere stât butât fûr des Grafichis Editoriâls Artistichis Pordenonesis za fa tal 1977, cuntune altre cuvierte. Al à une prefazion di Ottorino Burelli e cualchi dissen tal mieç di Paolo Zanussi. Al à pôc plui di 200 pagjinis e dentri a son 213 fra sprocs/batudis/pensîrs.

### **CE LIBRI ISAL?**

Un libri fât di piçui componiments che a son cualchi volte une batude, cualchi altre une critiche (soredut di nature politiche) e cualchi altre une considerazion sui timps che a corevin e i fats di cronache, sedi taliane, sedi furlane. Si lei une vore a la svelte, stant che di spes i tocs a son fats di dôs o trê riis. Sot e je la traduzion par talian.

### **MA CE ISAL DENTRI DI PRECÎS?**

Critiche politiche e sociâl, soredut. Puppò, simpri in maniere avonde garbade e simpri cun grande ironie, al tamese i fats politichis talians, il rapuart che il Stât talian al à cul Friûl e ancje il Friûl che al à ator, e che al scomence a cambiâ. La plui part dai sprocs a son sî batudis, ma mareosis. Si fevele dispes de coruzion, de DC, des stragjis, de italian dai agns '70 che e somee vê pardabon pôc di bon. Cumò, plui di cualchi toc al è diventât vieri e al pues someâ scontât, ma a metilu intal sô contest storic, il libri al cjapê un val.ôr che al va plui innà de batude e al divent un spieli de epoche. In sumis, al è bon ancje par une analisi de societât taliane dai timps, viodude cui voi di un furlan critic e atent.

### **A CUI PUEDIAL PLASÊ?**

A cui che al à gust di fâsi cualchi ridade cu la satire politiche e sociâl, a cui che al à voie di cognossi un scritôr che al à doprât la lenghe furlane in maniere curte ma une vore eficaç, a cui che al à gust di cognossi lis lidrîs de leterature curte furlane, che no je dome fate di narrative.

### **DULÂ LU CJATIO?**

Dificil. **In rêt si cjatin copiis dopradis**, ancje se no masse a bon presit. Ma lu si cjate ator pai puescj dai libris vieris e in diviersis bibliotechis, che si puedin sgarfâ **midiant di chest sît**.